

中國邊疆史志集成

內蒙古史志

全國圖書館文獻聯合目錄



中國邊疆史志集成

內蒙古史志
51

全國圖書館文獻
縮微復制中心

承德府志

承德府志

光緒十三年四月
知府廷杰
教授李世寅
重訂

曹鴻勛題

承德府志序

由都城東北出古北口山
川綿亘越數百里而承德
爲之都會外連沙漠控制
蒙古諸部落內以拱衛神

京

列聖以時

省方駐蹕烏桓蕃服奔走來同秋
獮講武舉行典禮文物聲
名視內郡爲尤盛顧自唐

宋以來歷金元明紀載闕
如乾隆四十三年

特勅儒臣纂修採自前代爰及

本朝網羅綴輯爲熱河志一

編余嘗卒讀其書大抵自

山川井陌之雄富百神河

嶽之懷柔

玉殿彤庭之朝覲繪峯補幄之燕

饗梵宇琳宮之壯麗麟郊

鳳藪之紕連大而宏綱小

而細目靡不分勒瓊函照
映金匱用以垂光虹霓並
曜儀璘而冊府所藏究非
士庶所能窺見况承德改
郡以後學宮規制畧彷彿太

學博士弟子員以次遞增
是近數十年來之

厚澤深仁暨

聖天子之嘉惠藝林尤復有加
靡已而都人士忠孝節廉

與夫潛德幽光待表彰而
闡揚之者亦更僕難數余
於道光八年奉

命莅熱河都統任適海靖堂忠
守是邦以承德向無志乘

公暇從事采輯悉遵

欽定熱河志程式而廣所未備別

類分門多爲八十六卷恭

錄

詔諭

天章圖載

宮闕引諸編首次及分野建
置邊防學校下逮職官人
物無不賅載又別立紀事
外紀二門而末附以雜誌

蓋非若禁扁之第志臺殿
池館洞霄圖志之第志宮
觀山水南方草木狀之第
志卉木果竹而沿流討源
斟酌古今必一一于政典

有碑載易寒暑聿觀厥成
乃復詳加釐訂進呈

乙覽余適調任新疆不數月靖
堂亦洊擢觀察書來謂將
付剗劂備史館採擇而請

序於余余唯郡邑之志舊
矣然體例各殊宋元遺志
存於今者若潛說友之咸
淳臨安陳耆卿之嘉定赤
城諸編其尤善也我

皇朝聲教大同車書四訖自通
邑大都以及下州小縣靡
不有志顧往往失之闕畧
否或好爲附會牽於異聞
而無足徵信獨是書之作